

Infurmaziuns radunanza cumünela 8 avrigl 2026

Zuoz vain part da la Sanadura

Las votantas ed ils votants da Zuoz haun cunter la proposta dal cussagl cumünel aderieu a la ledscha e l'organisaziun Sanadura ed a las trais convegnas da prestaziun per l'ospidel, ils centers per attempo e la Spitex.

118 votantas e votants haun visito la radunanza cumünela davart il futur dal provedimaint da sandet, chi d'eira gnida spusteda duos voutas. Il cussagl cumünel ho fat valair la manchaunza dad infurmaziuns e trasparenza a regard divers puncts, per spuster la radunanza cumünela ed uossa eir per propuoner da na entrar illa fatschenda, fin cha las infurmaziuns e respostas dumandedas sun avaint maun. Zieva animeda discussiun ho la radunanza cumünela decis cun 84 cunter 34 vuschs da na aderir a la dumanda dal cussagl cumünel e dad entrar illa tractanda. Il cussagl cumünel ho rendieu attent sün dumandas aviertas cun ün ris-ch economic per la vschinaunha da Zuoz cun tuot tenor consequenzas agravantas.

Culla decisiun dad entrar i'l affer ho il cussagl cumünel proponieu da na aderir al mumaint a la Sanadura e las convegnas da prestaziun colliedas. La radunanza cumünela ho decis dad aderir a la Sandura e las convegnas da prestaziun cun 87 cunter 28 vuschs. Cun que fo la vschinaunha da Zuoz part da la Sanadura cun tuot ils drets dovairs scu las otras vschinaunchas da la regiun da sandet Engiadin'Ota.

Zuoz, ils 10 avrigl 2026/PS